

Fihetsiky ny zandary sasany **7**
Manala baraka ny anaran'ny kolonely Ratsimandrava

Hetsiky ny vondron'ny kandida 11 **2**
Tonga hanatevina ny tolona ny kandida Brunelle



Tarazon'ny fitondrana **3**
Rajoelina
Tsy ho zaka intsony ny fijaliana navelan'izay 5 taona izay

www.gvalosoa.com
gvalosoa@yahoo.com
facebook : gazety valosoa rakoto

Alakamisy 5 oktobra 2023 Laharana 1480 Vidiny : 600 Ar

Vondron'ireo kandida 11 **2**

Hitohy anio ny hetsika depiote eo amin'ny 13 mey sabotsy



Hetsika an-dalambe **6**

Mandika lalana ny zandary mimenomenona ny polisy sy miaramila



Fandikan-dalana sy fanamparan-pahefana **2**

Nitombo 24 ora indray ny fitazonana an'i Rina eny Fiadanana



Mitaraina ny mponina any Mangily **5**

Fefen'ny mpanambola ny moron-dranomasina an'ny be sy ny maro



KMMR Atsimo Andrefana **3**
Manohana tsy misy fepetra ny hetsiky ny vondron'ny kandida 11

Cosfa Miaramila sy Ftm Manjakaray **6**
Hiatrika ny famaranana « Rugby XXL Energy Top 20,2023 »

Daka kely
HCC sy CENI ary governemanta mpilaiso fahefana no 3 ivavahan'ialahy ry Boaikely a !

VONDRO'IREO KANDIDA 11

Hitohy anio ny hetsika, depiote eo amin'ny 13 mey sabotsy

Niato aloha ny fidinana an-dalambe, ho eny amin'ny kianjan'ny 13 mey nataon'ny vondron'ireo kandida 11 omaly, nihaona tamin'ireo hery velona samy hafa eto amin'ny firenena izy ireo tamin'izany, nandamina ny paikady ihany koa izy ireo amin'ny itakiana ny hanaovana fifidianana madio, mangaraharaha eken'ny rehetra eto amin'ny firenena, ary ny firenena Malagasy dia tsy tokony hoenti-bazaha. Teny amin'ny Le Hintsy Ambohimambola no nihaona tamin'ireo mpanao politika, sokajin'olona sy fikambanana samihafa ny vondron'ny kandida 11. Nanambara ny kandida Roland Ratsiraka fa hitohy anio ny hetsika am-pilaminana, ary hitondra choux fleur izy ireo amin'izany, satria afak'omaly, olona avy nivity choux-fleur no nolazain'ireo zandary fa nitondra baomba. Ny kandida Hajo Andrianainarivelo kosa nilaza fa: "manaraka ny fangatahan'ny ray aman-dreny am-panahy ao amin'ny FFKM aloha isika, ka hihaona amin'ny hery velona rehetra aloha androany, hanamafisana ny fitakiana izay atao am-pilaminana hatrany. Ny fifidianana madio, ny fiverenan'ny fanajana ny lalana ary ny fiandrianam-pirenena no tanjona, ka raha tanteraka tsy ilana fidinana an-dalambe izany dia arahaba soa. Ny faniriana dia hiroso amin'izany fifidianana madio izany haingana, fa maika ny fanavotana ny toe-karena sy ny firenena."

Nidinika sy nifanatonana tamin'ny ankolafin-kery hafa koa ny FFKM omaly. Ny teto an-drenivohitra no niato ny hetsika omaly, fa hitarina any amin'ny faritra koa izao hetsiky ny vondron'ny kandida izao.

FFKM

Ankoatra izany, nanao fanambarana ny FFKM afak'omaly maraina, mialoha ny nandraisany ny vondron'ny kandida ny tolakandro. Ny FFKM dia miantso ny rehetra ho tony, sy ampitsahatra ny fifampihantsiana sy ny herisetra. Nanao antso ireo Filoham-piangonana 4 mivondrona eo anivon'ny FFKM, manoloana ny zavamisy ankehitriny eto amin'ny Firenena, izay miseho

Fandikan-dalana sy fanamparam-pahefana

Nitombo 24 ora indray ny fitazonana an'i Rina eny Fiadanana

Mitohy ihany ny fandikan-dalana sy fanamparam-pahefana, ataon'ny fitondrana mitondra amin'izao fotoana dia ny governemanta iaraha-mitantana, tarihan'ny Praiministra Ntsay Christian. Nitombo 24 ora indray ny fitazonana an'i Rina Randriamasinoro, sekretera jeneralin'ny antoko Tiako i Madagasikara (TIM) eny amin'ny zandary eny Fiadanana, nefa tsy misy ny zavatra tokony hanenjehana azy, mahakasika ny hetsika an-dalambe tarihan'ny vondron'ireo kan-



Ny mpisolovava an'i Rina, Me Eloi.

didà 11. Fandikan-dalana sy Fanaparam-pahefana izany mbola fitazonana an'i Rina izany hoy ny depiote avy amin'ny mpanohitra, nanamafy izany koa

ny birao politikan'ny antoko. Nanambara ihany koa ny mpisolovava azy, Me Eloi Ratselimanahafamijoro fa: "nohalavaina 24 ora ny fitazonana azy ao

Fiadanana. Mbola tazovina eny amin'ny zandary Fiadanana i Rina Randriamasinoro, Sekretera Jeneralin'ny antoko Tiako i Madagasikara. Tsy misy mihitsy ny heloka tokony hitazonana azy." Raha ny vavao voaray, tsy misy mety mandray ity raharaha Rina Randriamasinoro ity ny ao amin'ny Fitsarana Anosy. Noho izay antony izay, milaza ny rehetra: "avotsory Rina, fa tsy misy ny heloka anenjehana azy."

Stefa

Hetsiky ny vondron'ny kandida 11

Tonga hanatevina ny tolona ny kandida Brunelle Razafitsiandraofa

Tonga hanatevina ny hetsiky ny vondron'ny kandida 11 koa, ny kandida Brunelle Razafitsiandraofa, fa tsy araky ny nambaran'ny sasany fa nialangalana ny tenany. Namonjy lanonana tany Ikongo faritra Fitovinany efa fanao isan-taona, ary efa voafaritry mialoha ny datin'izany ny izy. Araka ny vaovao azo dia efa miakatra aty Antananarivo izy izao. Nanamafy izy fa mivondrona hatrany amin'ny "collectif des candidats", fa mbola namonjy ny lanonana efa tao anaty fandaharam-potoana efa ela.



Ny kandida Brunelle Razafitsiandraofa.

Nohon'ny Fety lehibe fanao isan-taona na Festival Soriba izay karakara rainy dia nangataka alalana tamin'ireo Kandida Filoham-pirenena 11 namany i Brunelle, mba hanatrehan'ny ilay Festival

Soriba andiany faha "4" dia niara-nanaiky ireo kandida 10 namany fa homena fotoana fohy izy hanatrehan'ny ilay fety tany an-tanindrazany ka ny alarobia 27 Septembre 2023 teo izy no niala taty Antananarivo nidina any Ikongo, efa tafaran'ny fotoana nidinany tany no nanombohan'ireo kandida filoham-pirenena namany nanao ny fidinana andalambe. Midika izany fa nomen'ireo kandida namany lalana no nandehanany namonjy Festival Soriba tany Ikongo, fa tsy fahatahorana hiatrika za-

vatra sanatria. Namafisiny koa fa: "fady ny Hovalahy Antagnala izany mitsoaka an'ady izany rehefa voafatotra ny Sadika na dia hisy ino na hisy inona." Ny Tarigetany dia ny hoe: "hiaro ny Tany." Ka vonona hatramin'ny farany izy amin'ny firosahana andalambe miaraka amin'ny vahoaka malagasy rehetra, mitaky ny fahamarinana eto amin'ny taniny. Ary mankahery ny rehetra koa amin'ny tolona iraisana hitakiana ny marina sy ny rariny eto amin'ny Firenena.

Niaina

Ny Valosoa sy fakafaka

Andry Rajoelina sy ny forongony Miezaka manatanteraka ny nofinofin'ny mpanjanatany frantsay eto

Miezaka manatanteraka ny nofinofin'ny mpanjanatany frantsay, momba an'i Madagasikara amin'izao fotoana izao, ry Andry Rajoelina sy ny TGV ary ireo miara-dia sy manohana azy. Nofinofy sy fikasana hihazona an'i Madagasikara ho zanatany handritry ny 300 taona. Efa nanomboka tapaka sy nifarana io tao anatin'ny taona maro taorian'ny fahaleovantena ary indrindra ny tamin'ny taona 1972, saingy nofohazin'i Andry Rajoelina sy ireo forongony ireo. Ny taona nahazoany ny fizakana ny zom-pirenena frantsay, ka nahavazaha azy ny taona 2014 sy ny niakarany teo amin'ny fitondrana ny taona 2018 no tena nitohizan'izay politika maloton'ny mpanao politika frantsay izay. Mety tsara amin'ireto farany ity saribakoliny na babakotony ity ary azony ampiasaina tsara amin'izay ilany azy. Eo aloha ny fiarovana ny tombontsoa frantsay efa mamahatra eto nandritry ny taona maro izay, ka manararaotra hatrany ny harena atao tantely afa-drakotra eto amin'ity firenena ity. Ankoatra ny fangoronan-karena mihoa-pampana azony eto, ny tsy famotsorana mihitsy sy ny fanagiazana hatrany ireo Nosy manodidina « îles éparses » an'ny Malagasy, ary Rajoelina tsy afaka velively hitaky malalaka amin'ny Frantsay sy hamerina azy ireo satria olony ; ary indrindra ny fampiharana ilay politika maloton'ny mpanjanatany frantsay tamin'ny fotoan'andro, ilay « zarazarao hanjakana », satria ny teny nataony na tamin'ny alahady na ny talata, dia miaro na ao ambadiky ny ambarany fampisaraham-bazana na fampiadiana ny samy Malagasy.

Ny fifotoran'i Andry Rajoelina izay mikasa hatrany hiverina eo amin'ny fitondrana sy ny fisainan'ireo mpiara-dia aminy rehetra, dia mamoha midanadana ny fiverenana sy ny fitohizan'ny vanim-potoanan'ny fanjanahantany vaovao indray. Resabe famitahambahoaka sy fampandriana adrisa fotsiny no ataon'izy ireo eto amin'ity firenena ity sisa, mba hanampena-maso ny vahoaka sy hakana ny fony. Ny ambadik'izay lazainy anefa tena poizina mifono sy zava-doza hoan'ity firenena ity sy ny taranaka fara aman-dimby. Iaraha-mahita anie, fa nanao asa venty teto ny mpanjanatany toy ny tonelina, ohatra, sns... Ireny anefa natao ahafahany manageja ny Malagasy sy mangorona ny harembe teto nandritry ny taona maro. Ny fitondran-dRajoelina teo aloha ihany koa milaza nanao asa kanefa tsy miàla amin'izay ambadika politika frantsay izay ihany izany. Tsy misy vahoaka azony fitahina sy laingana intsony eto, fa ireo manaiky atao fitaovana sy mpi-solelaka mpila ranondranony sisa no manara-dia azy eo amin'izao fotoana izao. Tsy azo ekena velively ny hamerenana ny politika maloto frantsay izay ataon'ny saribakolim-bazaha mpivarotra sy mpamadika tanindrazana eto amin'ity firenena nolovaina tamin'ny razana ity.

Sôh'son

PRIERE AU SACRE CŒUR



Que le Sacré Cœur de Jésus soit loué, adoré et glorifié à travers le monde pour des siècles et des siècles, Amen.

Dites cette prière 6 fois/ jour pendant 9 jours et vos prières seront exaucées même si cela semble impossible. N'oubliez pas de remercier le Sacré Cœur avec promesse de publication quand la faveur sera obtenue. Remerciements au Sacré Cœur pour faveurs obtenues.

Murielle A.

Ny Valosoa sy hadihady

Hetsika misy : manohitra ny tsy rariny
Tsy manaiky ny mbola hitondran'ny vazaha,
sy mizana tsindrin'ila

Miezaka mampiseho fa mbola eo am-pelatan'ireo milaza ho mpitondra ny hery amin'izao fotoana izao, ka manome baiko ireo manana fitaovam-piadiana hamoritra ny olompirenena, tia Tanindrazana sy tsy manaiky ny mbola hitondran'ny vazaha, izay sahy manohitra ny tsy rariny sy ny fanaovana mizana tsindrin'ila. Niaraha nahita ny talata lasa teo fa nitohy ny hetsika notarihan'ny vondron'ny kandidà izay noravan'ny herim-pamoretana, tamin'ny alàlan'ny fitifirana tamin'ny baomba mandatsa-dranomaso teny Anosy. Araka ny hita sy iainana maneran-tany ny fitandroana ny filaminana an-tanàn-dehibe dia andraikitra ny polisy ary ny misahana izany eny ambanivohitra dia ny zandary, ka izay no anton'ny tsy andraisan'ny polisy anjara amin'ny fanarahan-dia ny dahalo avy nangalatr'omby. Mazava ho azy koa fa ny andraikitra ny tafika dia ny fiarovana ny fiandrianam-pirenena, ka manosika izay mitady hanafika ny firenena. Raha manao jery todika ny toe-draharaha niainana teto amin'ity Firenena ity dia tsy nifanitsaka andraikitra mihitsy ireo, satria taty aoriana vao nisy ny Minisitery ny Filaminam-bahoaka sy Sekreteram-panjakana miandraikitra ny Zandarma-riam-pirenena, fa tao anivon'ny Minisitery ny Foloalindahy ireo rehetra ireo. Tato anatin'ny efatra ambinifolo taona dia azo lazaina fa tena manjakazaka mihitsy ny zandarimaria. Tamin'ny fanjanahan-tany dia ny "gardes indigènes" no namoritra ny Malagasy ary nisy ireo gasy niray tsikombakomba tamin'izy ireo, ka nanao tondro molotra izay noheveriny fa nanohitra ny mpanjanaka. Iaraha mahatadidy ny hetsi-bahoaka nifandimby teto amin'ny Firenena, fa ny polisim-pirenena hatrany no nisahana ny fiandrianam-pirenena an-tanàn-dehibe. Nandritra ny Repoblika I dia nisy "corps" roa ny teo anivon'ny Polisim-pirenena dia ny « FRS » (Force Républicaine de Sécurité), izay raha ny marina dia nentina niaro ny mpitondra, ny faharoa dia nisahana ny fifamoivoizana sy ny fisamborana. Ny taona 1972 dia ny FRS no nampihorohoro ny Malagasy teo amin'ny fanenjehana ny mpanao fihetsiketsehana nanohitra ny fitondrana sy ny fanjanahana tamin'ny endriny vaovao. Ny 13 Mey 1972 dia nitifitra nanip "grenade offensive" sy baomba mandatsa-dranomaso tamin'ny mpianatra nanao fitokonana teo alohan'ny "Hôtel de Ville" ny "FRS", ka nisy ny maty sy ny naratra mafy. Rano indray mitete nampitobaka ny tao anaty vera izany, niteraka ny firodanan'ny Repoblika I. Mbola sampana iray tao amin'ny polisy, ny "GMP" (Groupe Mobile de la Police) no nitifitra ny Filoham-panjakana, ny Kolo-

nely Ratsimandrava Richard, ny 11 Febroary 1975, nanoloran'ny Jeneraly Ramanantsoa Gabriel name-tra-pialàna noho ny antony tsy mbola mazava hatramin'izao. Tsy nandray anjara tamin'ny fandatsahan-drà ireto vondron-kery eto amin'ny Firenena ireto ny 10 Aogositra 1991, fa ny "RESEP" ("Régiment de la Sécurité Présidentielle) no nahazo baiko avy amin'ny filohan'ny Repoblika II. Niteraka ny firodanan'ny Repoblika Demokratikan'i Madagasikara ny rà latsaka tamin'io andro io. Voka-pifidianana navoakan'ny Fitarana Avo momba ny Lalàmpanorenana no niteraka krizy teto Madagasikara ny taona 2002 ary nahatonga ny fikasan'ny fitondran'i Amiraly Ratsiraka Didier nanao fairano ny Faritany Antananarivo. Ny fanonganam-panjakana ny taona 2009 no tena nampisongadina ny habibian'ireo "mpiaro ny vahoaka sy ny fananany", satria nozarazaraina ho sampana roa izy ireo: teo anivon'ny zandarimariam-pirenena dia nisy ny vondron'ny FIGN (Force d'Intervention de la Gendarmerie Nationale), ka ny fisamborana sy fandatsahan-drà'ireo Mpitondra Fivavahana mpikambana tao amin'ny HMF (Hetsiky ny Mpitondra Fivavahana) izay nanohitra ny fanonganam-panjakana, nanao hetsika teny amin'ny Mausolée. Nisy koa ny sampana iray teo anivon'ny Polisim-pirenena dia ny FIS (Force d'Intervention Spéciale). Tsy nitifitra mihitsy ny GP (Garde Présidentielle) tao Ambohitsorohitra rehefa nanani-dapa ny mpanao fihetsiketsehana ny 7 Febroary 2009, fa ny zandary sy ny tafika avy ao amin'ny Capsat no nanao tifitra vary raraka. Fanetren-tena avy amin'ny Filoha Ravalomanana Marc, no nandehany nanao sesintany ny tenany. Amin'izao fotoana izao dia sakanana sy ravàn'ireo "herim-pamoretana", indrindra ny zandary, ny hetsika fitakiana ny fampiharana ny lalàna sy ny fitovian-jo ary ny tsy fanekena ny vazaha ho anisan'ny kandidà ho fidiana filoham-pirenena. Masina ny rà latsaka, masina ny Tanindrazana ka na inona na inona vava tsy ambina ataon'i Andry Nirina Rajoelina sy ireo IRMAR (Isika Rehetra Miaraka Adala amin-dRajoelina) dia ho lanin'ny kankana toa an'i Heroda mpanjaka namono ny zaza rehetra latsaky ny roa taona ka nikatsahana ny namonoana ny Mpamonjy teraka telo ambroapolo sy roa arivo taona lasa izay. Nihosondrà ny tanaan-dRajoelina ny taona 2009, mandatsadrà Malagasy indray ity vazaha ity efatra ambinifolo taona aty aoriana kanefa tokony ho tadidy fa "ny tody tsy misy fa ny atao no miverina".

Andry Tsiavalona

KMMR ATSIMO ANDREFANA

Manohana tsy misy fepetra ny hetsiky ny vondron'ny kandidà 11

Manohana tsy misy fepetra ny hetsiky ny vondron'ny kandidà 11 eto Antananarivo, ny KMMR : Komity Manohana an'i Marc Ravalomanana any amin'ny faritra Atsimo Andrefana, tarihan'ny kolonely Rabe Jules, ahitana an'i Me Helisoa, Tsiania, ... Nilaza izy ireo tamin'ny fanambarana nataony tany Toliara fa : "manohana ny hetsika rehetra ataon'ny vondron'ny kandidà izay atao eny amin'ny 13 Mey ny Komity Miaradia amin'i Marc Ravalomanana aty amin'ny faritra Atsimo Andrefana. Lavinay hatrany ny firotsahan-kofidian'i Andry Rajoelina ary takianay ihany koa ny hanovana ny HCC sy ny CENI, mba



Ny avy amin'ny KMMR Atsimo Andrefana.

hametrahana fifidianana madio sy mangaraharaha

ary eken'ny rehetra amin'ny fifidianana filohampire-

nena ho avy io."

Stefa

facebook NY VALOSOAO
Gazety misaho itelalo isan-boriborindro (Telata - Alakamisy - Sabatany) VAOVAO

Tarazon'ny fitondrana Rajoelina
Tsy ho zaka intsony ny fijaliana navelan'izay 5 taona izay



Malagasy Mijoro : ZAKANAO NGA RAHA MBOLA AMPIANA 5 TAONA HIVERENAN'ILAY VAZAHA INDRAY, NY FAHORIAANA NIAINANA TAMIN'ITY FITONDRANA ITY 2018-2023: delesatazy lavareny, tsy fisian-drano, vidin-javatra nidangana, vidin'ny lavanila nijotso, fanadinam-panjakana tsy nandeha tamin'ny laoniny, karamana sokajin'olona maro samihafa tsy voaloa, ...

Marie Anne Erica : aok'izay hoy Jesoa t@ mpanarato.
M'chellah Winny : lay sosialim-bahoaka mihintsy no tsy hitany ny vahaolana.

Adji Lane : hiova zao ny fitondrana dia mbola ohatran'izay ihany no hisy. Satry nareo mitsy hitondra !

Tanjona Joshua : ary reto mpanao politika mandeha aniii aminy vazaha mampibaby trosa ny gasy hono Kaa, saaa mpa-matsy anareo Andry.

Niarantsoa Andriana : mbola mety amin'ny sasany zao fijaliana zao ngamba.

Florent Tsarony : mora ka tantaraina, fa tena faraidiny ny gasy.

Dadan Fanja : vavankisoa misy sira io asakasak'izay mbola hiditra.

Henika Rabe: asakasak'izay mbola mitady fahasahiranana bebe kokoa noho izao, raha mbola ry Rajoelina sy ny forongony ihany no sanatria tafaverina eo.

Alphà Sàrvàzò Mirāy : ampy zay.

Sedium Randriambololona : asaivy mibata ny bidon-nao lay vazaha Cedric zany ko!

Razoky Razoky : ampy zay.

Esiomoyz Randri : efa niaina ady mafy tsika vahoaka aza adino fa mafy ny ady vao vita ny 5 taona koa mahaiza re mifidy eee. aza sodoka ny anio fa jereo n lavitra.

Jonah Rakotondrasoa: tohano koa ny kandidà 11 satria mila hovana aloha ny HCC, ny CENI, ny gouvernement mitanila io.

Art'Inah Shekinah : ny lasa tsy fanadino saingy ny gasy mora manadino.

Ny Antema Rak : ndruii. Mandiniha @zay ry vahoaka alohan'ny handrotsaka vato a. Tohano koa ny tolon'ny collectif des candidats 11.

Ny Tiana Ofisialy : indrisy ry Fireneko. Izao dia mbola misy mahita fa miadana sy mandroso i Madagasikara.

TONONKALO

FANTARO IZAY KANDIDA IZAY

Iza moa ilay kandidà izay tena hita ho kabaosy, Ka mampiasa ireo bebaoty mba hiarovana ny saosy ? Faly ery mirehareha hoe tompondaka, tompondaka, Kanjo hidinika an-databatra dia efa io tsy mahazaka !

Iza moa ilay kandidà mitoka-monina toa boka ? Raha ny fihetsiny eto ivelany dia toa tena manodoka. Kanjo nony injay hatonina, zary mampivalaketraka, Fa hay miendri-jiolahy mpandroba sy mpihetraketraka !

Iza moa ilay kandidà tsy gasy f'efa frantsay, Toa faly sy mibitabitaka amin-javatra tsy hay ? Efa tokony hofeheziny sy hahorony ny entany, Fa ny manentana eny an-kianja, izay no re fa hoe talentany !

Iza moa ilay kandidà izay tsy mahay mitsara tena Sy voatonona mihitsy fa hoe tsy ampy fahendrena ? Efa be no nihomehezana ireo hevitra kimantamantany. (Ilay manao fanahim-boalavo sy manimba no hany fantany!)

Iza moa ilay kandidà izay tena tsy mahay manisa ? Disodisokely hatrany , iray laharana amin'ny gisa ! Hadisoa-miverimberina, tena mampanongo tena, Nefa izay ilay kandidà mba ho filoham-pirenena !

TSIMIMALO (04-10-23)

An-tsary misongadina Ny Valosoa Vaovao

Helisoa

Ny hetsiky ny vondron'ireo kandidà 11 ny talata tolakandro teo, niainga tao Ambatonakanga ka hatrany Anosy. Efa nifarana tany Anosy ny hetsika, vao nanapoaka lakrimôzena ny herim-pamoretan'ny fitondrana.



NY TENY FIAINANA

"Ary fantatsika fa tonga ny Zanak'Andriamanitra ka efa nanome antsika ny fahazavan-tsaina, mba ho fantatsika llay marina, dia ao amin'i Jesosy Kristy Zanany. Izy no Andriamanitra marina sy fiainana mandrakizay."

I Jaona 5:20

POULE DES AS LIGUE DES CHAMPIONS - D2 NATIONAL

Natomboka omaly alarobia any Toamasina

Natomboka omaly alarobia 4 oktobra 2023, tao amin'ny kianja «Barikadimy Stadium Toamasina», ny dingana farany na ny « Poule des AS » amin'ny lalao baolina kitra fiadina ny ho tompodakan'i Madagasikara « Ligue des Champions - D2 National 2023 », ka tsy hifarana raha tsy amin'ny alahady 6 oktobra 2023 ho avy izao. Fandaharan-dalao fenon'ity « Poule des AS

» ity : J1 : 04/10/2023-12h30 : Fc Inate Vakinkanaratra # Kfca Diana, 15h30 : Fc Jim Androy # 3Fb Alaotra Mangoro. J2 : 06/10/2023-12h30 : Fc Inate Vakinkanaratra # Fc Jim Androy, 15h30 : Kfca Diana # 3Fb Alaotra Mangoro. J3 : 08/10/2023-12h30 : # 3Fb Alaotra Mangoro # Fc Inate Vakinkanaratra, 15h30 : Kfca Diana # Fc Jim Androy.

Rainilita



Kianja « Barikadimy Stadium Toamasina ».

Judo Championnats du Monde Juniors

I Laura sy Lova no solontena Malagasy



Laura sy Lova 2023.

Tsy afaka hanatrika ny fifaninana Judo « Championnats du Monde Juniors Portugal 2023 », tontosaina nanomboka tamin'ny 3 ka hifarana amin'ny 7 oktobra 2023 ho avy izao, ilay judokas Malagasy Razafindrakoto Natacha sokajy -48 kg (médaillée de bronze aux championnats d'Afrique juniors 2022 et médaillée d'or aux jeux des îles 2023 », noho ny tsy nahazoany « visa ». Rasoanaivo Razafy Aina Laura -

70 kg (Championne d'Afrique Juniors et seniors, médaille d'Or au 11 ème JIOI), sy Randriana-solo Lova Mahaisoa - 73 kg (Médaille de Bronze au Championnat d'Afrique Juniors 2022 et médailles d'or au 11 ème JIOI), tarihan'ilay « volontaire japonais » Tomokazu Iwahori araka izany, no miatrika an'io fifaninana io ary nanainga tamin'ny alahady lasa teo.

Rainilita

Cosafa Women's Cup Championship 2023

Raikitra nanomboka omaly alarobia any Afrika Atsimo

Raikitra nanomboka omaly alarobia 4 oktobra 2023 atsy Afrika Atsimo, ka tsy hifarana raha tsy amin'ny alahady 15 oktobra 2023 ho avy izao, ny fifaninana baolina kitra vehivavy «

Cosafa Women's Cup Championship » andiany faha-11, ka handraisan'ny Barea vehivavy anjara . Ekipam-pirenena vehivavy miisa 12 no miatrika ny fifaninana-na amin'ny

handimbiasana ny « Copper Queens Zambia » tompondaka farany, tamin'ny andiany faha-10 natao tamin'ny taona 2022. I Madagasikara sy Eswatini andaniny ary Afrika Atsi-

mo sy Malawi ankilany no nanomboka ny fifaninana tamin'io omaly io ary anio alakamisy 5 oktobra amin'ny 1 ora (ora malagasy) kosa dia Angola hifanandrana amin'i Comores ary amin'ny 4 ora (ora malagasy) i Zambie hifandona amin'i Mozambika. Tsy hifarana ny fifanintsanam-bondrona raha tsy amin'ny alarobia 11 oktobra ho avy izao. Amin'ny zoma 13 oktobra 2023 kosa, no hanatanterahana an'ireo lalao ankatoky ny famaranana ary amin'ny alahady 15 oktobra no hanatanterahana ny lalao famaranana, hialohavan'ny lalao fiadian-toerana faha-3.

Rainilita



Barea vehivavy atsy Afrika Atsimo.

Mitaraina ny mponina any Mangily

Fefen'ny mpanambola ny moron-dranomasina an'ny be sy ny maro

Mitaraina ireo mponina any Mangily kaominina Belalanda distrikan'i Toliliana faharoa faritra Atsimo Andrefana amin'izao fotoana, satria fefen'ny mpanambola ny moron-dranomasina, izay tokony

ho an'ny be sy ny maro, sy azon'ny tokony ho azon'ny be sy ny maro ampiasaina. Araka ny fitarainan'ny mponina any amin'ity faritra be mpizahatany mitsidika ity: "tsy voahaja ny pas géomé-

trique, izanjy hoe ny 25 m miala ny sisin'ny Ranomasina. Voafefy ny mpanambola hatramin'ny Ranomasina, tsy misy afaka andehanana rehefa miakatra ny Ranomasina. Ny Topo sy ny Domaine

ve no namaritra anjambany sa ny Kominina no tsy manao ny asany, ka manao izay tiany atao ny tompona Hotel mpanambola."

Aly

Sakafo Ny Valosoa




Henomby sy tsaramaso mena rony indray, no laoka amin'ny Sakafo eto amin'ny gazetinao androany. Dia mazotoa homana tompoko.

NY VALOSOAO sy Mahasoa

Hotra fanafana amin'ny aretina maromaro

Hotra, fanafana amin'ny aretina maromaro indray, no Mahasoa eto amin'ny gazetinao androany. Rehefa marray vavony, maloilo mandoa, na ohatran'ny misy rivotra ny kibo, miakatra any amin'ny tenda ny acide gastrique, olana amin'ny vavony sy tsinay. Atao massage na horina moramora eo amin'io teboka mangamanga amin'ny sary io mandritra ny 5 ka hatramin'ny 10 min. Afaka averimberina isaky ny misy fanaintanana. Mety atao daholo na tanana havia na havanana.



NY VALOSOAO sy Mahaliana

Ny tanànan'Anosiarivo distrikan'i Marolambo faritra Atsinanana

Ny tanànan'Anosiarivo distrikan'i Marolambo faritra Atsinanana indray, no Mahaliana eto amin'ny gazetinao androany. Renivohitry ny kaominina Anosiarivo ity tanàna ity, iray amin'ireo kaominina miisa 12 mandritra ny distrikan'i Marolambo. Vokatra any ny vary, ny haninkotrana : mangahazo, katsaka. Ny voankazo : akondro, letchi, manga. Anisan'ny mitoka-monina ao amin'ny distrika koa ity tanàna ity, noho ny faharatsian'ny lalana.



HETSIKA AN-DALAMBE

Mandika lalàna ny zandary, mimenomenona ny polisy sy miaramila

Manoana ny hetsika an-dalambe nisy tamin'ity herinandro ity, noho ny hetsika nataon'ny vondron'ireo kandida 11, sy noho ny fandikan-dalàna ataon'ny ao amin'ny Zandarimariam-pirenena mahakasika izany, mimenomenona ankehitriny ny ao anivon'ny polisim-pirenena sy ny ao anivon'ny tafika Malagasy, momba ny fitarihana ny fitandroana ny filaminana mandritra izany ataon'ny EMMO, na ny OMC. Tompon'andraikitra amin'ny polisy sy ny tafika no nilaza fa mandika ny lalàna misy ny zandary miseho mitarika ny OMC io. Araka ny lalàna hoy izy ireo, araka ny: "Décret n° 84-056 du 8 février 1984 portant création de l'Organisme Mixte de Conception (J.O. n° du , p.), modifié par décret n° 2002-058 du 29 janvier 2002 Article premier - Il est institué au niveau national et à l'échelon des Collectivités décentralisées un organisme mixte de conception et un état-major mixte opérationnel à tous les ni-



Misy raha ao, matoa ny zandary no tena mavitrika amin'ny famoretana.

veaux chargés, dans le cadre des lois et règlements en vigueur, d'assurer la défense de la sécurité publique ainsi que l'ordre public, économique et social. Les organismes mixtes de conception et les états-majors mixtes opérationnels fonctionnent à la demande en fonction de la situation. Ils revêtent un caractère temporaire et ponctuel. Art. 6 - L'état-major mixte opérationnel exécute les directives et les ordres émanant de l'organisme mixte de conception auquel il rend compte des dispositions prises, du déroulement et des résultats de l'opération.

Art. 8 - La responsabilité des actions et l'animation des états-majors mixtes opérationnels incombent à : * la Police nationale pour les villes pourvues d'un commissariat ; * la Zandarimariam-pirenena dans les campagnes et les villes non pourvues de commissariat de police. Art 10 : le pouvoir central et les collectivités décentralisées participent aux dépenses de fonctionnement des organismes mixtes de conception et des états-majors mixtes opérationnels, suivant des modalités qui seront définies par un texte particulier." Arak'izany, ny polisy no

tokony hitarika ny fitandroana ny filaminana amin'ny tanàn-dehibe toa an'Antananarivo, fa tsy ny zandary mihitsy. Ary ny andininy faha- 10 ny didim-panjakana io, no araraotin'ny zandary mpitarika sasany hakana vola, ka rehefa azony ny vola dia ny zandary ihany no mahazo ny sasany, fa ny polisy sy ny miaramila dia voailika, satria ambaran' izy ireo fa ny an'ny zandary ihany no azo. Ho tantara hitohy arak' izany ity olana anatin'ny, eo amin'ny zandary andaniny, ny polisy sy ny miaramila ankilany ity.

Ny Valosoa

Madajazzcar 2023

Fanja Andriamanantena ao Andavamamba ny sabotsy izao

Anisan'ny mpikarakara ny hetsika ara-kolontsaina sy ara-javakanto Madajazzcar 2023 ny Alliance Française Antananarivo (AFT) amin'ity taona ity, amin'ny volana oktobra toy izao. Hanao fampisehoana mozika jazz ao amin'ny AFT Andavamamba ny mpanakanto Fanja Andriamanantena ny sabotsy 7 oktobra ho avy izao, hanomboka amin'ny 7 ora hariva. Hanotrona azy amin'izany ny jazz club ny AFT: ny

AF Jazz. Ankoatra izany, mbola hisy koa ny fampisehona mozika jazz ankalamajana, hiarahan'ny AFT amin'ny TotalEnergies Madagasikara, hatao etsy amin'ny tobin-tsolika Total Andohatapanaka ny alarobia 11 oktobra ho avy izao. Fampisehoana maimaimpoana hatao ho an'ny be sy ny maro, hanafana ny fotoana ny AF Jazz, hanomboka amin'ny 2 ora tolakandro.



Aly

Ny mpanakanto Fanja Andriamanantena.

Coupe du monde de rugby 2023

Hanomboka amin'ny sabotsy indray ny andro faha-5

Nifaranatamin'ny alahady 01 oktobra 2023 teo, ny andro faha-4 amin'ny fifanintanam-bondrona, eo amin'ny fifaninanana rugby fiadiana ny ho tompondaka eran-tany 2023, tontosaina any Frantsa ankehitriny. Ny fihaonan'i Australie sy Portugal ao amin'ny vondrona (C) 34 - 14 ary ny an'ny Afrique de Sud sy Tonga 49 - 18 ao amin'ny vondrona (B) no namarana an'izany tantetraka. Voka-dalao andro faha-3 tontosaina tamin'ny sabotsy 30 septambra 2023 teo : Argentine 59 -



Fiadiana ny amboaran'ny tompon-daka eran-tany amin'ny rugby atao any Frantsa.

05 Chili (D), Fidji 17 - 12 Géorgie (C), Ecosse 84 -

Rainilita

Cosfa Miaramila sy Ftm Manjarkaray

Hiatrika ny famaranana « Rugby XXL Energy Top 20,2023»

Ny ekipan'ny Cosfa Miaramila sy Ftm Manjarkaray, no fantatra avy amin'ny fanapahan-kevitra ny Malagasy Rugby, fa hiatrika ny lalao famaranan'ny fifaninanana rugby « Energy Top 20, 2023 », izay hotontosaina amin'ny alahady 08 oktobra 2023 ho avy izao etsy amin'ny kianja Makis Andohatapanaka, hanomboka amin'ny 3 ora tolakandro, hialohavan'ny lalao fiadiantoerana faha-3, hifanandrinan'ny 3Fb Fahasalama sy ny Uscar Commu-



Fihaonan'ny Ftm sy Cosfa teny Andohatapanaka.

ne hanomboka amin'ny 1 ora atoandro. Mialohan'ireo fihaonana roa ireo dia mbola hisy lalao roa hafa eo amin'ny fifaninanana fiadiana ny ho tompondakan'ny sokajy Federaly 2 (tohin'ny andro voalona any). Fandaharam-poana amin'izany : 09ora maraina-Soe Stade # Vtma Antsalovana, 11ora atoandro-Uscar 2 Commune # Fta Andavamamba.

Rainilita

Taratasin'ny mpamaky

Mba jereo anie ny sary tamin'ny andro voalohany sy ny sary omaly : Ireo zandary misekoseko tamin'ny alatsinainy dia bokobokona be daholo. Ialàko tsiny aminareo zandary fa raha ny hitako hatramin'izay dia tsy betsaka ny zandary bokonozatra be sahala amin'ireny: mba mpandalo ao amin'ny Toby Ratsimandrava rehefa alatsinainy maraina, mahita anareo mikotrana, mba efa nandendeha tao Ankadilalana, mba mahita anareo mihazakazaka eny an-tanàna eny ihany, mba efa nifanena teny amin'ireny sit-in ireny...fa hafa mihitsy ny bikan'ireny be sekoseko tamin'ny alatsinainy ireny. Zavatra anankiray koa: nisy namana vitsivitsy tafiditra teny Analakely teny tamin'ny alatsinainy ary mahita sy maheno ny zavatra tenen'ny sasany taminareo...misy heno ihany koa tamin'ireny fisamborana ny gdc-n'i Pdt Marc Ravalomanana ireny: olona romodromotra sy be teny ratsy no hita sy heno: ny fahalalako ny zandary dia olona misy retenu eny imasom-bahoaka : rehefa samy tafaraka tsy fantatro . Mety hoe miteny mafy, mitrerona, mibetrokafa ny manompa toa tsy fahenoko..asa aloha. Ary rehefa manao emmo ka mandalo eny akaiky eny ianao, tsy dia maheno an'ireo manao re-sabe izany fa mangingina daholo, fa ilay sasany tamin'ny alatsinainy hafa mihitsy. Ary heno ao anatin'ireny sakoroka ireny fa misy zandary miezaka mi-calmer ny sasany ao anatin'ny ao: midika izany fa misy mahita ihany izany hoe misy tsy mety ny ataon'ny sasany. Maheno an'ilay interview-n'i Kandida Raobelina iny koa dia tonga saina: mbola teo am-panaovana pour-parler tamin'ilay colonel hono r'izareo no nipoaka ny lacrymogène ary na ilay colonel taitra. Iza izany no manome baiko? Nisy olona nahita hoe nisy andian'olona nitoratoraka teny Antaninarenina teny, fa toa tsy nahitako sary hoe nisy fanenjehana an'ireny na hoe teny no namoaka ilay lacrymogène nefa feno emmo erak'ity Analakely iny, ary toa tsy nampaninona an'ireo mivarotra milaza hoe tsy faly ilay izy..... Ny miaramila sy polisy koa tsy be fihetsiketsehana be sahala amin'ireny andiana zandary tamin'ny alatsinainy ireny... Farany: Mbola variana tamin'ilay fihetsika omaly koa...efa nilaza ny Kandida Paraina fa hoe efa mirava, fa dia nipoaka indray ilay lacrymogène. ary sahala amin'ny hoe niandrasana ny fotoana iravan'ny mpianatra mihitsy ilay izy: asa inona no tanjona. Anjaran'ny tsirairay no mieritreritra, na mpitandro filaminana io na olompirenena tsotra: hanaiky fandotoana vé, hanaiky fanitsakitsahana hasina lava izao vé..... Vao maika nampiseho an'ilay fitanilàna tsara ireo ireo omaly: mpikambana tao amin'ny gouvernement miseho ary amin'ny hetsika fanohanana ny kandida vazaha Andry Rajoelina, ary namory vahoaka kanefa tsy nosakanan'ny mpitandro filaminana. Ka alaivo sary an-tsaina n'y zavatra hitranga isan'andro raha mbola ireo ihany no ho eo? Zavatra angatahako aminareo mpanao gazety: aza variana eny amin'ireo kandida fa ireny manodidina ireny koa tsara asiana maso. Isika rehetra koa tsara mifampilaza an'izay zavatra hita fa hafahafa koa: tonga dia publication atao.

Foutsie Tsotsy Mpampaneno lakolosy

An-tsary misongadina Ny Valosoa Vaova

Helisoa

Ny KMMR Atsimo Andrefana, manohana ny hetsiky ny vondron'ny kandidà 11.



Ny vondron'ireo kandidà 11 nandeha hihaona tamin'ny FFKM tao Ampandrana ny talata hariva teo.



Ny diabe am-pilaminana nataon'ny vondron'ireo kandidà 11, niaraka tamin'ireo depiote avy eny Ambatonakanga, nankeny Anosy ny talata tolakandro teo.



Ireo tonga nanotrona ny sekretera jeneralin'ny antoko TIM Rina Randriamasinoro, voatazona teny Fiadanana.

